

**2019**

## **Bank aktivlari va kapitali**

Bank aktivlarini boshqarishda kelgusida strategik yo'nalishlarni belgilash orqali moliyaviy barqarorlikni ta'minlash, likvidlilik va daromadlilikni eng maqbul darajasiga erishish hamda bank tavakkalchiliklarini oqilona boshqarish ishlari davom ettiriladi.

2019-yilda bank aktivlarini – **8 193,2** mlrd. so'mga yetkazish rejalashtirildi hamda jami aktivlar tarkibida daromad keltiruvchi aktivlar salmog'ini va sifatini oshirish ko'zda tutildi.

Bank kapitalining yetarli darajada o'sishini ta'minlash orqali kapitalning monandligiga qo'yilgan talablarga rioya qilish maqsadida rejalashtirilayotgan yilda olinadigan sof foyda hisobiga bank xususiy kapitalini 2019-yil yakunida **1 365,4** mlrd. so'mga yetkazish ko'zda tutildi.

Bankning kapitallashuv darajasini kamida **17,2** foiz miqdorida oshirish rejalashtirildi.

## **Korporativ biznes**

2019-yilda bank tomonidan xizmat ko'rsatilayotgan korxonalar va tashkilotlarning istiqbolli investitsiya loyihalarini moliyalashtirish, shuningdek, ushbu korxonalar tomonidan import o'rnini bosuvchi va eksportga yo'naltiriladigan mahsulotlarni ishlab chiqarish va uning hajmini oshirish ko'zda tutilgan.

Mijozlarga qisqa muddatli kreditlar ajratilishini jadallashtirish orqali kredit portfeli tarkibidagi qisqa muddatli kreditlar hajmi va salmog'ini oshirish, investitsiya kreditlarini moliyalashtirish, kichik biznes va xususiy tadbirkorlik sub'ektlariga ajratiladigan kreditlar hajmini yanada kengaytirish, kredit qo'yilmalarini sifatli yo'naltirishga qaratilgan faol kredit siyosati olib boriladi.

Bankning o'z mablag'lari hamda jalb qilingan mablag'lar hisobiga xo'jalik yurituvchi sub'ektlarga 2019 yil mobaynida **2 700,0** mlrd. so'm miqdorida kreditlar ajratilishini ta'minlab, yuridik shaxslar va yakka tartibdagi tadbirkorlarga ajratilgan kreditlar qoldig'ini 2019 yil yakuniga qadar **4 750,0** mlrd. so'mga yetkazish belgilandi.

Shu bilan birga, hisobot yilida kredit va garov hujjatlarini puxta rasmiylashtirish orqali yuqori sifatli kredit portfelini shakllantirish, kreditlarning shartnomalarda belgilangan muddatlarda qaytarilishini ta'minlashga ham asosiy e'tibor qaratiladi.

Kredit portfeli sifatini yaxshilash, korporativ mijozlarga ajratilgan kreditlarning o'z vaqtida to'liq qaytarilishini ta'minlash, shuningdek kredit mablag'larining daromadlilikini oshirish hisobiga 2019-moliyaviy yil yakunlariga ko'ra **770,0** mlrd. so'mdan ortiq daromad olinishi rejalashtirildi.

### **Chakana biznes**

2019-yilda jismoniy shaxslarga qulay, tezkor hamda jozibador iste'mol kreditlari turlarini taqdim etish orqali moliyaviy yil davomida jami **600,0** mlrd. so'mlik kreditlar ajratilishini ta'minlab, jismoniy shaxslarga ajratilgan kreditlar qoldig'ini **1 250,0** mlrd. so'mga yetkazish belgilandi.

2019-yilda jismoniy shaxslarga ajratiladigan kreditlar bo'yicha jami **235,0** mlrd. so'm, daromad olinishi ko'zda tutilgan.

Yuqorida ko'rsatib o'tilgan ko'rsatkichlarga bank tomonidan jismoniy shaxslarga iste'mol, ipoteka, overdraft va avto kreditlar hamda mikroqarzarlar ajratish hisobiga erishiladi.

### **Moliyaviy natijalar (daromad, xarajat va foyda)**

2019-yilda bank oldiga qo'yilgan ustuvor vazifalarning bajarilishi natijasida asosiy moliyaviy ko'rsatkichlarning barqaror o'sishi rejalashtirilmoqda.

Jumladan, 2019-yilda bank daromadining o'sish darajasini 1,7 barobarga ta'minlagan holda, **1 250,8** mlrd. so'mga yetkazish rejalashtirildi. Bu daromadlarning **990,7** mlrd. so'mi foizli daromadlar, **260,1** mlrd. so'mi foizsiz daromatlardan tashkil topadi. Foizli daromadlarning asosiy qismi, ya'ni **814,1** mlrd. so'mi, ssuda va lizing operatsiyalaridan olinishi ko'zda tutilgan. Foizsiz daromadlarning asosiy qismini esa **178,3** mlrd. so'mi, ko'rsatilgan xizmatlar va vositachilik operatsiyalaridan olingan daromadlar tashkil etadi.

2019-yilda jami **1 050,1** mlrd. so'mlik bank xarajatlarini amalga oshirish rejalashtirilgan bo'lib, ularning **572,4** mlrd. so'mi foizli xarajatlar, **71,8** mlrd. so'mi foizsiz xarajatlar va **405,9** mlrd. so'mi operatsion xarajatlardan iborat bo'ladi.

Bankning sof foydasi 2019-yil uchun – **200,7** mlrd. so'm miqdorida belgilangan.

*mlrd. so'mda*

Ko'rsatkichlar	2019 yil		
	Reja	Fakt	Bajarilishi
<b>Aktivlar</b>	8 193,2	7 341,7	90%
<b>Majburiyatlar</b>	6 827,8	5 945,4	87%
<b>Xususiy kapital</b>	1 365,4	1 396,4	102%
<b>Jami daromad:</b>	1 250,8	1 345,0	108%
<i>foizli daromad</i>	990,7	1 152,2	116%
<i>foizsiz daromad</i>	260,1	192,8	74%
<b>Jami xarajat:</b>	1 050,1	1 144,3	109%
<i>foizli xarajat</i>	572,4	776,7	136%
<i>foizsiz xarajat</i>	71,8	68,2	95%
<i>operatsion xarajat</i>	405,9	299,4	74%
<b>Sof foyda</b>	200,7	200,7	100%